



Акафист

Честному и Животворящему

Кресту Господню

Кондак 1

Возбранный Воеводо, Животодавче Христе Царю, победу на враги, оружие свое дал еси нам Крест Твой пречестный, Имже избавляеми от злых благодарственно почитаем Его, кланяющесе, яко святому подножию ногу Твоею; но яко имущим силу Твою непобедимую, от всяких нас бед и страстей Тем сохрани, да похвальная воспеваем Ему:
Радуйся, Кресте пречестный, непобедимая победо.

Икос 1

Ангелов предстательства, с праведными чинами, крестообразно обстоят престол Твой, Царю славы, в четвероугольном граде Твоем вышнем, изображающе превеликую Животворящаго Креста Твоего четвероконечнаго силу, и хваляще Его пением таковым:
Радуйся Кресте на немже Христос Животодавец умертвися.

Радуйся, на Немже Бог неударжимый пригвоздися.

Радуйся, знамение Царя Небеснаго.

Радуйся, похвало Престола Божественнаго.

Радуйся, скиптре самага Вседержителя.

Радуйся, оружие всесильнаго победителя.

Радуйся, Имже пламенное оружие херувимское отвержесея.

Радуйся, Имже геенскаго змия жало смертоносное пресечесея.

Радуйся, Ангелом радование, бесом рыдание.

Радуйся, царем всем правоверным величание и воем их укрепление.

Радуйся, апостольская проповеди, христианом всем вразумителю.

Радуйся, церковное украшение, и всей вселенней хранителю.

Радуйся, Кресте пречестный, непобедимая победа.

Кондак 2

Видяще ужасное Креста Твоего Христе водружение, с Тобою на Нем распятым, верху горы Голгофы вси народы пришедшии на позор сей, бияху перси своя, елицы умиляхуса, аще прочии хулниками ругающимся. Мы же вси верные зряще воздвижение Его преславное в Церкви Святой совершаемое, колми паче, попирающе вся богомерзкая хуления,

сокрушаем сердца наша, умиленно покланяющемся, и вопиюще: Аллилуиа.

Икос 2

Разум подаждь нам Слове Божий, да возможем разумети Креста Твоего непостижимую силу; почитати бо Его по достоинству, дело есть вышних праведных чинов, мы же земные како возможем скверными устами хвалу Его совершати! Точию молебную песнь приносяще, дерзаем с верою смиренно воспевати сице: Радуйся, Кресте, Егоже широта, любовь Христа за всех распятого.

Радуйся, Егоже долготя, долготерпение страдавшего.

Радуйся, Егоже глубина, смирение Господне в страстях глубокое.

Радуйся, Егоже высота, послушание к Богу Отцу высокое.

Радуйся, широтою Твоею к спасению собираяи вся языки.

Радуйся, долготою Твоею уставленный от века, сохраняти вся веки.

Радуйся, глубиною Твоею погружая врагов Божиих преисподних.

Радуйся, высотой Твоею возвышаяи к Небеси угодников Господних.

Радуйся, Иже в Твоей широте простираеши нам лоно Авраамле.

Радуйся, Иже в Твоей долготе протязаеши нам житие вечное.

Радуйся, Иже в Твоей глубине являеши нам богатство премудрости Божия.

Радуйся, Иже в Твоей высоте воздвизаеши нам надежду Небеснаго Царствия.

Радуйся, Кресте пречестный, непобедимая победа.

Кондак 3

Силу Креста Твоего Христе Боже с небеси послани нам, да воспоем преславная и превеликая Его чудеса, тем бо знаменающе себе и просвещающе, враги наша, яко непобедимым оружием побеждаем, вопиюще: Аллилуиа.

Икос 3

Имуще Христе вси христиане крепкаго защитника и скорого в бедах помощника во всем мире, Крест Твой Животворящий, почитаем Его всемирно, похвальныя дары приносяще сице:

Радуйся, Кресте, четвероконечная красото.

Радуйся, всем четырем концем мира доброто.

Радуйся, востоку озарение дня спасения.

Радуйся, восхождение Ему к свету вышнему, Емуже Восток имя.

Радуйся, западу просвещение Света

Незаходимаго.

Радуйся, избавление Ему от власти темных запада преисподняго.

Радуйся, полудню спасение от беса полуденнаго прельстившаго в рай в полудне.

Радуйся, прохлаждение Ему от раждежения греховнаго пламене.

Радуйся, полунощи хранения от врага желавшаго престола полунощна.

Радуйся, согреение Ея от студени к покаянию неподвижныя.

Радуйся, воспоминай запад смерти полунощ Суда Страшнаго.

Радуйся, возвещай восток света в Царствии Небесном, полудень жжения геенскаго.

Радуйся, Кресте пречестный, непобедимая победа.

Кондак 4

Бурю всяких напастей устави Христе окормлением Честнаго и Животворящаго Креста Твоего; Тем бо яко известным наставником ко всякому благодетию управляемся, и преславная Его образования и явления честно воспоминаем, зовуще: Аллилуиа.

Икос 4

Слышащих и видящих многообразная чудеса, силою Креста Твоего действуемая Христе, укрепи всех притекающих к Нему, и славящих

Его сице:

Радуйся, Кресте посреде рая церковнаго яко древо жизни.

Радуйся, на Немже Плод висящ аще кто снестъ, жив будет во веки.

Радуйся, яко древо еже разумети доброе и злое.

Радуйся, Имже вразумляемся уклонятися от зла и творити благое.

Радуйся, яко древо крыющее от лица Божия Адама согрешившаго.

Радуйся, под Немже крыющуся грешнику, является лице Бога милостиваго.

Радуйся, яко древо Авраамле Мамврийское являющее Бога в Троице.

Радуйся, под Немже повержен грешник яко Измаил услышан бывает с небеси.

Радуйся, яко древо Исааком на жертву носимое.

Радуйся, при Немже удержуется заклание роду человеку наносимое.

Радуйся, яко древо, под нимже Иаков вкопа боги чужды бездушныя.

Радуйся, Имже Христос умертви грехи, нас на душах умерщвляющия.

Радуйся, Кресте пречестный, непобедимая победа.

Кондак 5

Боготочною Твоею кровию Христе, освященный Тобой Крест оставил еси на земли, яко источник

чудес многовидных, точащ пребогатую
благодать, крепкою Его силою, всем жаждущим
спасения вопиющим: Аллилуиа.

Икос 5

Видеша людие еврейстии в законной сени
знамения различна прообразующа чудесне,
честное древо Животворящего Креста Твоего
Христе, и удивляхуся, мы же в благодатной
истине, взирающе на самое событие
прообразования Того, с верою Кресту Твоему
поклоняемся вопиюще сице:

Радуйся, Кресте яко древо имже Моисей горесть
вод услади.

Радуйся, Имже Христос горькия слезы людий
Своих на радость преложи.

Радуйся, яко древо на немже змий вознесенный
исцеляше вкушенных от змиев.

Радуйся, на Немже Христос распятый
оживотвори умерщвленных от грехов.

Радуйся, яко древо сажденное при исходищих
вод.

Радуйся, при Немже нещадно яко вода излися
Спасительная кровь.

Радуйся, яко древо под нимже Илия избегая от
Езавели наптан от Ангела.

Радуйся, под Немже человек избегая от смерти
питается от Христа.

Радуйся, яко древо имже Елисей утопшее железо

воспалтыти сотвори.

Радуйся, Имже Христа низведеннаго во ад человека возведе к небеси.

Радуйся, яко древо на немже умертвися Аман вместо Мардохея.

Радуйся, на Немже умертвися сама смерть вместо воскресшаго Христа.

Радуйся, Кресте пречестный, непобедимая победа.

Кондак 6

Проповедуя славу Креста Твоего Христе, явил еси во Иерусалиме знамение Его паче солнца светящее на небеси распростертое превышше святыя горы Голгофы, и досягающее до святыя горы Елеонския, на обличение невернымм, яко да увидевше облистающую крестную силу, никакоже противятся, на утверждение же и утешение всем верным вопиющим: Аллилуиа.

Икос 6

Возсия истинное древо Животворящаго Креста Твоего Христе от земли, до долгом утаении обретенное, Еже многочисудесне облистая по всей вселенной, прогонит всяку лесьть миродержителей тмы века сего, и просвещает истиною богоразумия всех верных, восхваляющих Его, и поющих таковая:
Радуйся, Кресте, яко древо поистине избранное

на царство над всеми деревьями.

Радуйся, Егоже силою человецы яко древа
ходящии, возрадуются во царствии на небеси.

Радуйся, яко древо финиково, под ним Девоса
Израиля суди.

Радуйся, при Немже Господь праведнейший
судия, князя тмы века сего осуди.

Радуйся, яко древо на немже привязанный
Олоферном Ахидор от Израилтян разрешен.

Радуйся, на Немже умерщвленный мучителми
Христос от Бога Отца воскреси.

Радуйся, яко древо велие возрастшее от
малейшаго всех зерна горушна.

Радуйся, всему миру славо возсиявшая от
горести безчестнаго умаления.

Радуйся, яко древо под нимже суца виде Иисус
Нафанаила.

Радуйся, Егоже силою осененнаго предзре
Господь спасение всякаго христианина.

Радуйся, древо на немже взыде Закхей да видит
Иисуса.

Радуйся, на негоже упование возлагаяй человек
смиранный узрит Бога.

Радуйся, Кресте пречестный, непобедимая
победо.

Кондак 7

Хотя спасти Христос род человеческий от
смерти вечныя волею претерпел еси смерть

временную на Кресте, и Той оставил еси нам на земли в знамение любви Твоея превеликия, еяже благодарны суще, вопием: Аллилуиа.

Икос 7

Новую показал еси благодать Владыко распныйся на Кресте, на Немже Сам безсмерен сый изволил еси умерети, да нам смертным даруеши живот безсмертный, утверждающимся о Кресте Твоем и прагласяющим сице:

Радуйся, Кресте яко жезл Иаковль о немже преиде Иордан.

Радуйся, имже чрез очищение от грехов путь нам от смерти к жизни показан.

Радуйся, яко жезл Иосифов, на Егоже конец поклонися Иаков.

Радуйся, на Егоже версе написан всепокланяемый титул Иисусов.

Радуйся, жезл Моисеов о немже изведе Израиля из Египта.

Радуйся, имже Христос изведе верных Своих из ада.

Радуйся, яко жезл Ааронов прозябший во утверждение священства.

Радуйся, на немже украсися служителем Божиим цвет неувядаемаго венца.

Радуйся, яко жезл ангельский изведший огонь из камени на жертву Гедеону.

Радуйся, имже изведется огонь любви из сердца

Христова на жертву Его Господню.

Радуйся, яко жезл Давидов с пятьми каменми противу Голиафа.

Радуйся, при Немже Иисус приемый пять язв больших победи диавола.

Радуйся, Кресте пречестный, непобедимая победа.

Кондак 8

Странное явление виде великий царь
Константин, яви бо ся ему в полудне образ
Креста от звезд на небеси с написанием "в том
знамени победиши"; он же абие появившемуся
образу, знамение воинское сооружив силою
крестною сопротивных вои победи, и радости
исполнен, воспеваше: Аллилуиа.

Икос 8

Весь есть всем верным от злых сильный
заступник, и в немощах душевных и телесных
известный целитель, Христос царю всесильне,
Крест Твой всечестный. Слава царем и держава;
Того бо силою верные побеждают вся вражия
шатания, и от всяких недугов избавляются,
хваляще Его тако:

Радуйся, Кресте яко жезл силы, правления и
царствия.

Радуйся, имже яко жезлом железным
сокрушаются врази яко сосуды скудельныя.

Радуйся, яко жезл златый знаменующ Есфири царское милосердие.

Радуйся, Имже Бог вместо погубления, сотвори верным избавление.

Радуйся, яко жезл Иоанафанов просвещаяй медом очеса.

Радуйся, Имже в крове Христову омоченным, просвещаются верных сердца.

Радуйся, яко жезл бдящий виденный от пророка Иеремии.

Радуйся, Имже яко бодрым стражем сохраняются верные.

Радуйся, яко жезл Захариин сугубый, доброты и веры.

Радуйся, Имже Иисус пасет добре Своя овцы, отгоняет же волка.

Радуйся, яко жезл трости данья Богослову в церковное измерение.

Радуйся, Егоже мерою, верным разделяется на небеси воздаяние.

Радуйся, Кресте пречестный, непобедимая победа.

Кондак 9

Всякое тщание христоимениый царь
Константин творя, о обретении явленнаго ему
Честнаго и Животворящаго Креста Господня,
посылаше на взыскание Того, богомудрую
матерь свою Елену во святыи град Иерусалим.

Еяже промышление поискавше прилежно, и обретше желаемое, возрадовашася вси вернии поюще: Аллилуиа.

Икос 9

Ветийственныя глаголы Богом умудренного царя, о знамени явленного ему Животворящаго Креста Господня, внидоша в слух воем и всем людем его; они же познавше силу крестную врагов побеждающую, верных же сохраняющую, вероваша богомудренно вопиюще таковая:

Радуйся, Кресте яко на водах ковчег Ноя с животным.

Радуйся, носящ в излинии крове Христа с язвами.

Радуйся, яко сучец масличный знаменующ потоп престание.

Радуйся, проливающагося гнева Божия удержание.

Радуйся, яко дуга на облацех в знамение мира поставленная.

Радуйся, простираяй руце Господне ко всем нам ради мирнаго объятия.

Радуйся, яко лествица Иаковля от земли к небеси.

Радуйся, восхождение душ наших, утверждение распятаго Господня телеси.

Радуйся, яко столп огнеоблачный ведущ к земле

обетования.

Радуйся, кровию и водою от ребр Господних, сподобляяй нас Небеснаго Царствия.

Радуйся, Кивот Завета носящ две скрижали закона Господня.

Радуйся, содержащ в себе закон написанный кровию Христа Бога и человека.

Радуйся, Кресте пречестный, непобедимая победа.

Кондак 10

Спаси нас Христе от всякия нужды силою Честнаго и Животворящаго Креста Твоего, Имже изволил еси избавити и спасти род человеческий; мы же преславное торжество Его почитающе, и верно покланяющеся, вопием: Аллилуиа.

Икос 10

Стена есть необоримая, и столп непоколебим во всяких бранех, и искушениях, Крест Твой Пречестный Христе: Того бо знаменiem благословляеми, и заступлением утверждаеми, побеждают вси вернии безчисленныя тьмы сатанины, и видимых врагов вся полки, вопиюще таковая:

Радуйся, яко Тебе изобрази Иаков пременением рук на благословение.

Радуйся, яко Тебе изъяви Моисей воздвижением

рук на побеждение.

Радуйся, Егоже знаменова щит копием Иисуса
Навина воздвиженный.

Радуйся, яко тогда град Гай, ныне же весь ад
Тобою побежденный.

Радуйся, Егоже начерта при окне Раавы вервь
червлен.

Радуйся, Имже от бездны адовы грешник
сохранен.

Радуйся, Имже яко гвоздом пронзеса Сисаре
геенскому глава.

Радуйся, Имже яко челюстию избавися адских
филистинов Сила.

Радуйся, Имже аки удицею уловися
преисподней Левиафан.

Радуйся, Имже от поглощения его свободися во
своим родом Адам.

Радуйся, Имже яко печатю Бога жива, раби
Его печатлеются.

Радуйся, Имже запечатленные невредимы
сохраняются.

Радуйся, Кресте пречестный, непобедимая
победо.

Кондак 11

Пение всякое рода человеческого побеждается,
Честнаго Креста Твоего Господи многими
неизреченными чудесы; аще бо исчисляем
действия Его, ничтоже успеваем достойно

противу тем яже силою крестною даруеши всем вопиющим Тебе: Аллилуиа.

Икос 11

Светоносна светильника вознесена от земнаго сокровения, имамы Христе света миру обретенный Крест Твой Животворящий, Егоже всесветлым воздвижением озаряеми, просвещаемся от всякаго смертоноснаго мира, вопиюще сице:

Радуйся, Кресте яко светильник в скинии Моисеовой поставленный.

Радуйся, Егоже светом Христовым мир весь просвещенный.

Радуйся, яко и трапеза с предложением животнаго хлеба.

Радуйся, и яко манны сладчайшаго Иисуса стамна.

Радуйся, яко носило, грозд вина от зелми обетования носящее.

Радуйся, и яко точило чашу спасения нам точащее.

Радуйся, яко гусли Давидов отгоняющая духа нечистаго.

Радуйся, яко мечь, егоже Давид взем от Голиафа, обезглави того.

Радуйся, яко престол Давидов во Израиле воздвиженный.

Радуйся, яко столп его тысячию щитов

вооруженный.

Радуйся, яко одр Соломонов обстоимый от сильных.

Радуйся, яко носильник его от древес ливанских.

Радуйся, Кресте пречестный, непобедимая победа.

Кондак 12

Благодать неизреченную всесвятым Крестом Твоим подал еси нам Христе Боже, на Немже пречистых рук Твоих простертием, рукописание грех наших растерзал еси, и от сынов гнева, сотворил еси нас сынами благодати, от сынов же тьмы сынами света; темже толикое Твое милосердие на Кресте нам совершенное, благодарными сердцы и усты славяще поем Тебе преблагому Богу: Аллилуиа.

Икос 12

Поюще преславную Креста Твоего Христе силу, покланяемся на место идеже стоясте ноге Твои пречистыя, избавльшии нас от поползновения душегубнаго, и наставляющии на путь спасения, темже и лобызающе пречистыя стопы Твоя на Кресте кровию назнаменаинья, похвальная совершаем сице:

Радуйся, Кресте яко на Тебе Слово Божие Иисус седмь словес изрече.

Радуйся, яко тогда седмь грехов смертных аки седмь глав змиевых посече.

Радуйся, яко на Тебе Бога Отца за враги молился, грех гнева победи.

Радуйся, яко на Тебе разбойнику рай даруяй, грех любостажания погуби.

Радуйся, яко Матерь Свою чистую чистому вручая, грех нечистоты отверже.

Радуйся, яко Тебе оставленна, Себе смиряся глаголя, грех гордыни низверже.

Радуйся, яко на Тебе, глаголя: жажду; чревоугодие утоли.

Радуйся, яко на Тебе глаголя: совершишася; леность несовершающую дел благих, удали.

Радуйся, яко на Тебе, в руце Бога Отца предаде дух Свой.

Радуйся, яко тогда грех зависти предавших Его, любовь Своею победи до конца.

Радуйся, яко о Тебе и мы уповаем житие безгрешно совершити.

Радуйся, яко Тобою сподобимся и мы души наша Богу вручати.

Радуйся, Кресте пречестный, непобедимая победо.

Кондак 13

О Всечестный и Животворящий Кресте Господень, кровию Христа Бога нашего освященный и смертью Его нас от смерти

вечныя свободивый. Ты еси знамение победы на врагов наших видимых и невидимых, ты имаши явиться на небеси в день Страшного Суда Христова. Тебе покланяемся, и Тебе любезно лобызающе, нынешнее моление к распятому на Тебе Судии Праведному приносим, да сохранит нас Тобою от всякаго зла и не осужденных сподоби воспевати: Аллилуиа.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
* НЕБО**